

SAC y ASOMA a firma protocol p'asina yega na un acuerdo

ORANJESTAD -Despues di basta dia di e guerra enter ASOMA y SAC porfin ayera nochi a yega na un solucion y paz entre e dos partidonan aki. Un reunion cu a cuminzá ayera mainta banda di 11:00 na conseho di Ministro a yega na un solucion entre SAC y ASOMA banda di 8:00 ayera nochi despues di a firma un protocol.

Un protocol cu lamentablemente no por a duna prensa di conocé kico ta e acuerdo entre e dosnan aki.

E comision cu a intermediá hunto cu Ministros di cultura Freddy's Refunjol tabata como Presidente Sr. Atan Lee y otro miembronan Marcia Stamper, Chido Maduro, Alvin Koolman y ShonPe Krozendijk.

E comision neutral aki ta esun cu lo bai organizá e dos festivalnan aki.

Na promé instante e reunion no a bai di e facil ey y varios biaha cada partido mester a bai den nan seno p'asina trece cada bes un otro punto riba mesa pa por yega na un solucion.

Pero alfin ayera nochi a yega na un solucion p'asina Aruba en grande felizmente y uní goza di Aruba su Carnaval 40.

Riba e foto momento cu ta firmando e protocol ayera nochi.

Ta na su lugá di parti Bon Dia Aruba felicitá tur esnan cu a bringa duro pa e problema aki wordo solucioná.

